

Jesus, bie die well ekj bliewen

1. Jesus, bie die well ekj bliewen, un bie die em Deenst nu ston'n;
Nuscht saul mie von die wajch driewen,
Well en diene Wäaj uk gon'n.
Du jefst mie daut woare Läwen, miene Seel de rajchte Krauft,
Soo's de Wienstock siene Druwen,
Saumelt Krauft un Läwenssauft.
2. Kunn ekj't bäta ha'n em Läwen, Aaus bie die, Har Jesus Christ?
Du kaust soo väl Goots mie jäwen,
Un de woara Heilant best.
Kaun ekj wua noch ruja woaren, aus bie die, du stoakja Gott?
Jeft daut en de Welt een aundra
Dee soo halpen kaun en Noot?
3. Jo, mien Heilant, bie die bliew ekj, soo's en Noot soo uk en Freid;
Bie die bliew ekj, die veschriew ekj
Mie fa Tiet un Eewichkjeit.
Opp die well ekj seenen, achten, uk wan du mie roopst tolatst,
Dan wäa hia no die deit trachten,
Kjemt dort aun opp't aulabast.
4. Har, doo du uk bie mie bliewen, kjemt de latste Stund dan aun;
Doo mie aule Angst vedriewen, daut ekj seelich stoawen kaun.
Well mien Uag ieescht diesta woaren,
Dan jeff Licht un Krauft mien'n Jeist,
Daut ekj froo dann go von leeden,
Wan mien Jeist nom Himmel reist.